

班達爾 ê 所在

大衛大受氣 hit-ê 人, kā 拿單講:「我 kī 永遠活 ê 上主來 chiù-chōa, 做 chit-ê tai-chi ê 人 tiòh 死!」拿單 kā 大衛講:「你就是 hit-ê 人。」

(《全民台語聖經》撒母耳下卷 12:5,7)

你 kám bat tú-tiòh kah-ná chiok 願意對你做出率直 ê 評估 ê 人? 我 bat, in 往往是阮孫 á; in bē kā 我講 in 想講我會 ài 聽 ê 話; in 顛倒會 kā 我講 in 所相信 ê。

羅莎琳 kah 我 tī 高齡 ê 時去滑 (chhū) 雪。阮 ê 朋友班達爾 (Bandar) 王子, 伊是沙烏地阿拉伯駐華盛頓大使, 伊 hō 阮用伊 ê 滑 (chhū) 雪度假小屋, tùi hia 看落去, ē-tàng 看 tiòh 阿斯彭 (Aspen) ê 美麗山坪(phiáⁿ)。阮 chhōa 孫 á 做伙去, 班達爾 ê 所在 hō in 真 tiòh 驚。它有一個室內游泳池、真 chē 奴僕、奇妙 ê 食物, kah 一間 gín-á ê 娛樂室。有一工食早頓 ê 時, 我 ê 名叫做傑瑞米 (Jeremy) ê 孫 á, 一個講話真直 ê gín-á, 伊用響亮 koh gín-á 性 ê 聲對我講:「阿公, 你是 m̄ 是有一工會死?」

我 ê 心歡喜 kah teh tiò 跳。我 ê 小孫 á tī chia teh 關心 in 阿公 ê 健康! 我回答講:「Hm̄, 無 m̄-tiòh, 乖 gín-á, 每一個人有一工 lóng 會死。總是, 我 òng 望 m̄ 是真緊 ê 一工。」續落來, 無聲無說, 我苦 bē-thang 緊聽 tiòh 傑瑞米 ê 回應。最後, 伊問講:「阿公, 當你死去以後, 阮 kám iáu ē-tàng koh 來班達爾 ê 所在?」

傑瑞米率直 ê 評論提醒我, 當拿單先知面對大衛王 ê 通姦 kah 謀殺 ê 時, 拿單 tai 先用一個感動人 ê 故事來激起伊 ê 興趣, koh hō 伊 tī 情感上融入故事 ê 結局, 然後針對伊 ê 罪, 迎頭痛擊 (gêng-thâu-thòng-kek)。大衛有真誠悔改, m̄-koh, 伊 kiám-chhái mā 全款真容易會變受氣來 thài 拿單; 拿單有 thèh 出真正 ê 勇氣, 來對國王傳達上帝 ê 嚴厲信息。

全款, 咱 mā 應該勇敢來接納耶穌嚴厲 koh 困難 ê 命令, 即使它 ê 意思是去支持 tī 今 á 日 ê 世界上 kiám-chhái 並無受歡迎 ê 信念。

祈禱: 親愛 ê 上主 ah, 求祢 hō 我對有時無容易了解 ê 真理, tòh 是 teh 表示耶穌基督教導特性 ê 真理, 有堅定 ê 承諾。求祢幫助我用疼講誠實話, 而且無論我去到 tó 位, 求祢 hō 我有勇氣去提倡和平。當我努力 teh 奉耶穌 ê 名祝福別人 ê 時, 求祢 hō 我成做一個有效能的大使, 渴望 beh 好好 á 事奉祢。我奉祂 ê 聖名祈禱。阿們。

(2004.08.08)